

遂溪縣志卷

二

道光二十八年續修

藏板

縣署藏版

遂溪縣志序

郡邑有志其義法與史志同  
國朝章氏學誠校讐通義中論  
之為最詳阮文達公廣東通志  
體例為至備且善蓋沿革形勝  
政治風俗及一邑之掌故地方

遂溪縣志

利弊之所倚伏皆於是乎攷之  
固非淺學眇聞之士所能語此  
也崇德以光緒十九年冬下車  
斯邑求訪縣志弗獲攷鏡末由  
為太息者久之會西海劫盜疊  
起閭閻患苦乃設方畧置偵捕



擒獲劇盜數十名悉置諸法凡  
棼紜勞頓者數閱月邑民始稍  
安事暇適至吏舍稽閱檔冊於  
高閣塵牘中見縣志版片具在  
惟剝蝕殘闕不少竊怪其湮廢  
莫問從來無究意於此者為可

歎也遂排比而整齊之循覽首  
尾則敘次疏陋全無義例第摘  
具崖畧亦不得不姑存之以俟  
修訂爰攷郡志及假鈔邑人藏  
本捐廉鳩工補其闕壞雖未暇  
有所匡正但使數十年廢棄之

圖籍俾得復還舊觀焉耳崇德  
竊更有感者夫三代以前制民  
常產養生既贍斯風俗日美自  
後世地廣齒眾勢難踵復古制  
由是太平日久孳生繁多財絀  
民困而寇患亦因以萌蘖是故

一治一亂循環迭更聖人知其  
然也論保庶之法必推本於富  
教而又以生眾為疾為生財之  
道此固歷千萬世而其義不變  
者遂邑民俗惰窳平居多荒嬉  
自廢不事生業計無復之即要

約魁桀強掠鄉野否則爭尺寸  
之利構訟不休雖骨肉有所不  
計嗟乎俗尚之敝惡如是豈知  
天地有自然之利士農工商各  
有治生之業若相習遊惰何怪  
風俗日下終無以塞姦盜之源

紘崇德奉職無狀未能補救萬  
一然耿耿寸心願吾民力矯積  
習地土荒曠則講求樹藝水利  
之法物產窳薄則討究製造懋  
遷之方日加擴充不難即甦羸  
而豐碩之而為士者更守顧氏

炎武行已有恥博學於文之戒  
於是民豐俗茂文物彬彬雅旨無  
貽守土者羞此即聖人富之教  
之生之者眾為之者疾之旨也  
安得以民貧土瘠之區為不足  
治也耶歷來方志每多陳陳因

襲紀疆域則不知測繪準望與  
夫山川之險要徑塗之交錯也  
紀風俗則不知民情之向背治  
法之所宜也而敘傳人物私濫  
益繁否則瑣瑣文字力求簡潔  
拘於方幅而不敢騁後人覽其

書迄不能犁然於心目之間是二者非胥吏之簿牘即文士之篇翰耳皆無當於方志也他日有作者起當取

國朝諸老所撰論者參攷之而折衷於章氏阮氏庶可無背於

義法此則尤望英絕領袖之彥有以維持於其間矣補刻既畢特識其大畧於簡首以諭來者固不敢徒求工於字句間也光緒二十一年六月同知銜知縣事儀徵嚴崇德序



續修遂溪縣志序

邑乘者吏治所必資也古  
人不下堂階而地域廣輪  
人民物產悉周知其利害  
豈臆度哉皆按圖籍而得

之耳遂邑近附海隅漢屬  
合浦郡徐聞地歷代沿革  
分合各有不同至唐省扇  
沙椹川入鐵杷改為遂溪  
以一併三故輿地頗廣地

廣則閱歷難周沿海膏腴  
重繫生民命脈也疏築宜  
勤入海濱港易為盜賊淵  
藪也稽查宜謹非覽圖籍  
而熟悉其握要何以權輕

重緩急而思患預防哉故  
邑乘有資吏治義類所至  
皆同而水利海防兩端遂  
志尤關鉅要也余丁未歲  
來署斯篆下車即詢邑志

胥吏檢呈斷簡殘編僅有  
存者蓋自康熙初邑先正  
洪垂萬編輯至今幾二百  
年矣

熙朝久道化成垓埏遍洽遂雖

僻壤而建置之備經政之  
詳職官之循良選舉之英  
俊凡邑內忠孝節義勲業  
文章有關於教化風俗者  
均無容堙沒不傳也邑志

之修不綦重歟爰萃眾紳  
博為採訪更聘粵西樸齋  
朱太史秉筆纂輯余聽斷  
稍暇即與考訂編摩集闔  
邑聞見之公以垂信史參

閱郡志舊志因悉邑中海  
防堤堰河道水利書院賓  
興諸要務得以次第經理  
勉效職分所當為焉志稿  
期年始就合邑紳公同校

閱迺付梓人余識陋才疎  
續百餘年未修之緒極知  
僭踰無所辭咎而分門別  
類博採蒐羅義準乎公事  
紀其實後有作者可資考

據不致慨於文獻之無徵  
或庶幾共諒也夫昔道光  
二十有九年己酉仲夏

教授文林郎署遂溪縣知縣江

西喻炳榮謹序



續修遂溪縣志序

粵自夏書禹貢分紀田賦  
山川周禮職方兼詳人民  
物產此卽後世郡國志所  
自昉也我

朝大清一統志囊括中外幅

遂溪縣志

序

員之廣亘古所無博大詳  
明美矣盛矣逮于省郡州  
縣莫不各有志乘官其地  
者展卷卽可稽其疆域廣  
輪而周知其利害凡建置  
賦役學校選舉兵防水利

一切教養重務皆可相其  
宜而次第舉之邑乘所繫  
豈淺尠哉余承

命揀發粵東己酉春委權遂篆  
下車遍查案籍胥吏以舊  
志檢呈簡斷篇殘幾難卒

讀且自康熙初年纂輯距  
今將二百載邑中宜登志  
者夥矣余曰是不可以不  
修因詢諸吏迺悉喻少白  
前尹已於戊申歲延朱樸  
齋太史續修稿經草創余

急取閱之義例具備遂邑  
形勢舉目瞭然北通石城  
南抵雷郡東西邊界俱附  
海濱密菁深林每藏奸宄  
知陸路之稽察宜謹也洪  
洋僻港易集頑囂知水道

之緝捕當嚴也觀於渠塘  
堤堰爲惠農之要工書院  
賓興爲造士之重典邑傳  
循吏賈智之遺愛猶存鄉  
有名賢陳紀之芳規可溯  
此邦之天時地利土俗民



風何者當與何者宜革竊  
幸得所取資以效厥職焉  
其稿有未定者余與少白  
樸齋互相考訂更廣參諸  
邑紳以核其實編次卷帙  
勤爲成書爰付梓人壽之

梨棗是役也前尹開局修  
纂已有成謀適余來宰是  
邦更樂以終其事云爾

道光二十九年歲次己酉  
季秋朔日

敕授文林郎署遂溪縣知縣辛

已科舉人鑲藍旗覺羅學  
教習陽湖趙鈞謨謹序



續修遂溪縣志序

遂邑古南交地也屬荆揚  
邊徼漢始置徐聞陳析置  
樞川扇沙二縣隋置鐵杷  
唐省二縣地入焉至德二

年改爲遂溪在舊縣地宋  
紹興間迺遷今治遂溪建  
邑所自昉矣僻在嶺南之  
南自昔民安樸質而炎方  
陽剛正氣磅礴鬱積雷祖

興焉始也由神而人終也  
由人而神英岡鍾毓非地  
靈人傑之特異者歟宋明  
以後風會彌開

聖世久道化成昔之瘴雨蠻煙

今皆甘霖卿霽文物聲明  
之盛已與中土無殊其中  
宜紀載詳明以備輶軒之  
採者不一而足此邑志之  
修所由特重也丁未歲

少白喻明府來宰斯邑整  
綱飭紀百廢具興戊申延  
華主講遂良兼以續修邑  
志爲囑查遂邑明代以前  
未有邑志

國朝康熙二十四年宋縣尹  
與邑紳洪垂萬始爲纂輯  
至今幾二百年明府謂  
及今不修將日久愈堙更  
難于徵文考獻迺廣集紳

耆出示分社採訪 華不揣  
謏陋參閱舊志並採羣書  
勉效草創卷首恭錄

典謨其次分二十類沿革紀事  
以備考徵疆域山川以明

形勢凡建置之備經政之  
詳以逮職官循良選舉英  
俊忠孝節義德業文章一  
切關於吏治民風者悉爲  
登載越明年而稿就 明

府復飭書繕稿申詳 上  
憲鑒定乃始付梓勒爲成  
書是役也憑闔邑輿論之  
公集採訪分校諸君子之  
見聞以求其備 明府復

與學博逐類參酌增刪考  
訂以總其成 華惟據事各  
紀其實不敢稍參毀譽私  
見云爾 昔道光二十九年  
歲次己酉

賜進士出身卽用直隸州知州  
前翰林院庶吉士四川慶  
符縣知縣博白朱德華謹

序





遂溪縣志序

邑乘者吏治所必資也古人不下堂階而地域廣輸人民物產悉周知其利害豈臆度哉皆按圖籍而得之耳遂邑近附海隅漢屬合浦郡徐聞地歷代沿革分合各有不同至唐省扇沙椹川入鐵杷改爲遂溪以一併三故輿地頗廣地廣則閱歷難周沿海膏腴重繫生民命脈也疏築宜勤入海濱港易爲盜賊淵藪也稽查宜謹非覽圖籍而熟悉其握要何以權輕重緩急而思患預防哉故邑乘有資吏治義類所至皆同而水利海防兩端遂志尤關鉅要也余丁未歲來署斯篆下車即詢邑遂溪縣志

序

志胥吏檢呈斷簡殘編僅有存者蓋自康熙初邑先正洪垂萬編輯至今幾二百年矣

熙朝久道化成垓埏遍洽遂雖僻壤而建置之備經政之詳

職官之循良選舉之英俊凡邑內忠孝節義勲業文章有關於教化風俗者均無容湮沒不傳也邑志之脩不綦重歟爰萃眾紳博爲採訪更聘粵西樸齋朱太史秉筆纂輯余聽斷稍暇即與考訂編摩集闔邑聞見之公以垂信史參閱郡志舊志因悉邑中海防堤堰河道水利書院賓興諸要務得以次第經理勉效職分所當爲焉志稿期年始就合邑紳公同校閱迺付梓人余識陋

才疎續百餘年未修之緒極知僭踰無所辭咎而分門  
別類博採蒐羅義準乎公事紀其實後有作者可資考  
據不致慨於文獻之無徵或庶幾共諒也夫  
昔道光二十有九年己酉仲夏

教授文林郎署遂溪縣知縣江西喻炳榮謹序

遂溪縣志序

粵自夏書禹貢分紀田賦山川周禮職方兼詳人民物產此即後世郡國志所自昉也我

朝大清一統志囊括中外幅員之廣亙古所無博大詳明美矣盛矣逮於省郡州縣莫不各有志乘官其地者展卷即可稽其疆域廣輪而周知其利害凡建置賦役學校選舉兵防水利一切教養重務皆可相其宜而次第舉之邑乘所繫豈淺渺哉余承

命揀發粵東已酉春夏權遂篆下車遍查案籍胥吏以舊志檢呈簡斷篇殘幾難卒讀且自康熙初年纂輯距今

遂溪縣志

序

三

將二百載邑中宜登志者夥矣余曰是不可以不修因詢諸吏迺悉喻少白前尹已於戊申歲延朱樸齋太史續修稿經草創余急取閱之義例具備遂邑形勢舉目瞭然北通石城南抵雷郡東西邊界俱附海濱密菁深林每藏奸宄知陸路之稽察宜謹也洪洋僻港易集頑囂知水道之緝捕當嚴也觀於渠塘堤堰爲惠農之要工書院賓興爲造士之重典邑傳循吏賈智之遺愛猶存鄉有名賢陳紀之芳規可溯此邦之天時地利土俗民風何者當興何者宜革竊幸得所取資以效厥職焉其稿有未定者余與少白樸齋互相考訂更廣參諸邑

紳以核其實編次卷帙勒爲成書爰付梓人壽之梨棗  
是役也前尹開局修纂已有成謀適余來宰是邦更樂  
以終其事云爾

道光二十九年歲次己酉季秋朔日

教授文林郎署遂溪縣知縣辛巳科舉人鑲藍旗覺羅學教  
習陽湖趙鈞謨謹序

遂溪縣志序

遂邑古南交地也屬荆揚邊徼漢始置徐聞陳析置棋川扇沙二縣隋置鐵杷唐省二縣地入焉至德二年改爲遂溪在舊縣地宋紹興間迺遷今治遂溪建邑所自昉矣僻在嶺南之南自昔民安樸質而炎方陽剛正氣磅礴鬱積雷祖興焉始也由神而人終也由人而神英岡鍾毓非地靈人傑之特異者歟宋明以後風會彌開聖世久道化成昔之瘴雨蠻煙今皆甘霖卿霽文物聲明之盛已與中土無殊其中宜紀載詳明以備輶軒之採者不一而足此邑志之修所由特重也丁未歲少白喻明遂溪縣志

序

五

府來宰斯邑整綱飭紀百廢具興戊申延華主講遂良兼以續修邑志爲囑查遂邑明代以前未有邑志

國朝康熙二十四年宋縣尹與邑紳洪垂萬始爲纂輯至今幾二百年明府謂及今不修將日久愈湮更難於徵文考獻迺廣集紳耆出示分社採訪華不揣謏陋參閱舊志並採羣書勉效草創卷首恭錄

與謨其次分二十類沿革紀事以備考徵疆域山川以明形勢凡建置之備經政之詳以逮職官循良選舉英俊忠孝節義德業文章一切關於吏治民風者悉爲登載越明年而稿就明府復飭書繕稿申詳上憲鑒定乃始付

梓勒爲成書是役也憑闔邑輿論之公集採訪分校諸君子之見聞以求其備明府復與學博逐類參酌增刪考訂以總其成華惟據事各紀其實不敢稍參毀譽私見云爾昔道光二十九年歲次己酉

賜進士出身卽用直隸州知州前翰林院庶吉士四川慶符縣知縣博白朱德華謹序

原序

大志甚難言矣兵農禮樂非關軍國者不書時蓄  
災祥非干民社者不書至於節義勲華激揚人物  
唯係一邑事蹟確有表見者方可大書特書而浮  
詞摭言毋得參預於其間焉然而豕亥莫分根銀  
失實則鄰於謾謬揄揚太過傳信不真則近於虛  
諛俚語褻辭鄙陋寡文同於稗乘野史矣牢騷感  
慨粉飾過華等於釐祝佞誣矣是志之難而作之  
者更難也遂邑山陬海澨歷來無志其間形勢程  
途備編前簡而丁徭賦稅之盈虛城市署宮之沿

遂溪縣志

卷之一

原序

革文績武防之損益風謠習尙之盛衰統入府志  
每多闕畧不詳予叨牧斯土有意續貂而簿書日  
雜未暇從事於筆硯歎焉久之今

天子昭宣德化無遠弗屆海外之版圖盡隸柱藏且復  
巡幸東郊逾淮涉江觀風問俗莫不明日達聰猶虞遐  
谷窮簷疾苦不得上聞爰

命太史輯修通志以備

御覽堯舜不遑之念洵無踰是

各上憲以府志多佚未可入告我

后遂以縣志檄修焉予奉行唯謹廣集外翰紳衿開館

會輯且遴耆儒名髦朝夕校讐府志所偶誤者親爲釐正時事所應入者互相訂確不敢稍爲假借越三旬而告成藉以獻諸

轉使或得寬面牆之譏則幸矣爰爲之序

康熙二十六年歲在丁卯季春之月遂溪縣知縣東魯宋國用撰

### 原序

邑之有志所以志其地志其人志其事俾邑中之山川形勢市墟里社兵農財賦所自出禮樂政教所由施名公鉅卿之創建孰存而孰亡故老遺耆

### 遂溪縣志

#### 卷之一

原序

二

之傳聞誰得而誰失滄桑遞變孤貞何以不磨文獻云亡著述何以相繼一展卷而瞭然者非志不爲功我邑舊有郡志合三邑而彙紀之縣志從未舉行故遂之地之人之事僅識其畧槩未悉其周詳不無九閻萬里之恨矣歲在丁卯春

### 聖天子不敷聲教

特諭儀部通行直省修舉志書俾郡縣各爲分輯勿令闕漏猶之觀海者不遺細流登高者不遺土壤也宋令尹爰暨學博陳莫兩先生集余與諸生協力博採彙成篇帙綱舉目張錄近及遠無摭華而失



實無舉一而廢百有關於民社者紀之有裨於城  
池者紀之分野有書驛舍有書正疆域也軍旅有  
書錢穀有書防虛冒也忠臣有書遺逸有書旌善  
良也叛逆有書反正有書別淑慝也科甲有書薦  
舉有書端士習也津梁有書塵市有書利民生也  
災異有書凶荒有書示修省也昔之所存者無容  
任意爲去留今之所紀者無敢同聲而附和將見  
嶺外版輿海濱風俗得以附十五國之風謠佐二  
十一史之鑒觀予於吾遂有厚望焉

邑人洪泮洙謹跋

續修遂溪縣志凡例

一直省府州縣志並恭載

典謨尊

聖訓也我

朝久道化成

皇極之敷言無遠弗届遂邑海陬僻壤皆得恪誦

綸音庶民是訓是行胥遵以勗身而寡過特依雷郡志

例敬錄卷首

一沿革爲志體樞要其中分合變遷最易轆轤茲特參稽載籍詳查歷代沿革逐一志明

遂溪縣志

卷之一 凡例

一

一歷代沿革之故皆因時事使然一邑之中古今治亂災祥其事不一宜備載之以資參考故紀事卽附沿革之次

一省郡各志悉載分星以地理與天文相資爲用則星土分野之說亦邑乘所必詳也至天時氣候因地各殊物產之生成農功之興作必驗之以爲準焉特附志於星土之次

一疆域廣袤程途遠近邑乘宜詳茲查明四境交界八方程途悉爲登載山川在疆域之內按方類志更繪各圖使閱者按圖可索遂邑東西濱海洋

田陂塘堤堰實居民命脈攸關故水利潮汐附焉  
一疆域已定建置斯興捍衛觀瞻城池首重至官  
署倉庫學校廟壇皆爲邑中重典以暨街坊堡堽  
墟市橋梁津渡皆建立都邑所必備之事其間創  
建自何年何人重修自何年何人悉詳記之以垂  
久遠

一建置已備必有政典以經理之學制積儲爲教  
養之重至于賦役祿餉稅課兵防皆經政中所宜  
規畫詳悉其間因時制宜今昔或有互異洪志所  
載仍之更據現在縣册查明詳記于後

遂溪縣志

卷之一

凡例

二

一職官任政治民爲一邑仰望無論正佐大小俱  
詳記焉使人知所統知所敬也

一職官循猷懋績恩德及民者編列宦蹟各爲立  
傳曾經題請議允入祀名宦者則本傳下註明崇  
祀名宦字樣卽未經題請入祀而實惠在民亦據  
實在政績爲之立傳以志不忘惟其人現存則不  
錄載恐涉于諛也

一古人流寓雖非專任此地職官而名賢所經山  
川增色且有教澤所及人不能忘並詳記于宦蹟  
之後

一選舉爲朝廷鉅典遂邑自宋元以來人才奮興登科目膺薦辟者接踵繼美皆查考朝代科分一一詳爲登志

一舊志於選舉名下卽列官階第思有膺選舉而未授職任事者又有由別途登進而不列選舉之科者已爲朝廷宣力卽一命之榮亦徵才具特編仕籍一冊無論選舉授職及別途登進凡邑中曾列仕版者文武大小皆詳載焉例職亦並附志一封典褒榮迺後嗣克自樹立顯揚先代爲一品之光無論文武封贈皆查明備載

一崇祀鄉賢鉅典出自朝廷非撰志乘者所敢私與而邑中德行表著者代有其人皆宜傳其芳徽俾後進有所矜式茲特彙編爲列傳其已入祀典者本傳下註明崇祀鄉賢其餘惟據其實行爲之立傳但必訪察輿論交推人言無間者方入列傳不敢稍有濫及也其人現存概不登載

一閨閣勵節堅貞實秉坤維正氣允宜採錄志乘彤管流徽今於前志及郡志所載並其後曾經請旌者固悉登載卽未及請旌而查守節年數已與旌表之例相符者果屬貞節可嘉族隣結報亦皆

錄志

一五世一堂期頤上壽皆爲昇平人瑞世所難逢均備採登志

一物產之屬各有土宜爲一邑貨食之資利用厚生所必詳也特分類紀之

一遂邑習尙淳樸素鮮奢靡之風茲就民間禮俗約畧志之官斯土者展卷卽知其概可因時以酌化導之宜焉

一文章爲國之華遂邑雖濱海邊隅文藝亦多可傳者但必關於邑中時事景物者乃採錄之不泛

遂溪縣志

卷之一

凡例

四

登載也

一古蹟所傳可資考證故縣舊署昔人曾費經營考古者所不遺也志於卷末

一前志纂輯詳確康熙二十六年以前事每多因之但條欵頗繁未能一一標出非掠美也以前作已善祇宜述之無庸更作也至後事則增輯之其目錄編次或有改易惟使以類相從披閱較易分晰耳

續修遂溪縣志姓氏

總纂

敕授文林郎署遂溪縣知縣

喻炳榮

江西新城人

敕授文林郎署遂溪縣知縣

趙鈞謨

江蘇順天人

賜進士出身即用直隸州知州前翰林院庶吉士四川慶符縣知縣

朱德華

廣西博白人

分纂

遂溪縣教諭

李充材

吳川縣人

遂溪縣訓導戊子科舉人

張鳴謙

南海縣人

賜進士出身直隸井陘縣知縣

楊鱣

邑人

陽山縣教諭拔貢

楊翊

邑人

遂溪縣志

卷之一

纂修姓氏

候選教諭乙酉科副榜

林萬仞

邑人

分校

歲

貢 吳昌瑞

歲

貢 陳光遠

議 敘

訓

導 梁思垣

廩 生

生 沈鑑

廩 生

生 楊法程

採訪

原任石城縣訓導

鄭元俊

拔

貢 吳燕翼

拔

貢 廖九齡

恩

貢 梁樹培

恩

榜 陳經宇

賜

副

試

用

訓

導

洪毓珍

試

用

訓

導

陳丹書

增貢陳昌遠

附貢高成梓

歲貢彭如南

歲貢戴汝翼

廩生周王琮

廩生陳汝瀾

廩生唐毓鵬

廩生黃簡書

廩生彭會汶

廩生高步青

遂溪縣志

卷之一

纂修姓氏

二

廩生黎維新

廩生許宗岐

廩生蔡 著

廩生洪昌基

廩生朱名賢

增生余廷選

增生梁禹山

增生羅建中

增生全大進

增生周毓祥

增生莊 瑩

附生梁挺秀

附生楊逢春

附生陳正彪

附生李賽春

附生彭家謨

附生陳志超

附生韓其貞

附生王宗元

附生陳宗聖

生員陳籍

生員洪清沂

武舉梁煦

鹽知事程德輝

布經麥廣香

州同張徽猷

監生梁川

監生洪良璧

監生謝樹藩

監生梁國棟

監生李務滋

監生王麟玉

職員黃子忠

職員何紹誥

對讀

附生李聯槐

膳錄

遂溪縣志

卷之一

纂修姓氏

三

附生梁國安

附生鄭登瀛

童生梁鴻烈

童生陳鴻恩

童生羅建屏

童生李樹明

童生李聯棠

童生余之翰

童生盧奪錦



續修遂溪縣志目錄

卷之一

典謨

卷之二

沿革 紀事 星土 氣候 疆域 山川

水利 珠海 潮汐

卷之三

建置類 城池 衙署 倉庫 學校

卷之四

壇廟 街坊 亭塔 墟市 鄉都 橋梁

遂溪縣志

卷之一 目錄

津渡

卷之五

經政類 學制 積貯 祿餉 賦役 稅課

卷之六

兵防

卷之七

職官 宦蹟 流寓

卷之八

選舉 仕籍 封典

卷之九

列傳 貞節

卷之十

耆壽 物產 禮俗

卷之十一

藝文上

卷之十二

藝文下 古蹟 塋墓附

遂溪縣志

卷之一

目錄

二

遂溪縣志卷一

典謨

世祖章皇帝

御製大清律序

順治三年

朕惟

太祖

太宗創業東方民淳法簡大辟之外惟有鞭笞朕仰荷

天庥撫臨中夏人民既眾情偽多端每遇奏讞輕重出人

頗煩擬議律例未定有司無所稟承爰敕法司官廣

集廷議詳譯明律參以國制增損劑量期於平允書

遂溪縣志

卷之一

典謨

一

成奏進朕再三覆閱仍命內院諸臣校訂妥確乃允

刊布名曰大清律集解附例爾內外有司官吏敬此

成憲勿得任意低昂務使百官萬民畏名義而重犯

法冀幾刑措之風以昭我

祖宗好生之德子孫臣民其世世守之

御製人臣儆心錄序

順治十二年

朕惟人臣立身制行本諸一心心正則為忠為直眾

美集焉不正則為姦為慝羣惡歸焉是故心者萬事

之本美惡之所由出也願事有殊途心惟一致一於

國則忘其家一於君則忘其身如此者不特名顯身

榮邦家亦允賴之矣若夫姦邪之流樹黨營利怙權  
亂政卒至身名俱喪爲國厲階蓋緣居恆無正心之  
功一當勢利遂昏迷瞶亂狂肆驕矜上昧王章下乖  
臣誼或作威而聯羽翼或比匪而效奔趨如譚秦石  
漢以累世舊臣久叨恩遇不思圖報逞臆橫行跋扈  
自恣日無綱紀陳名夏則一介豎儒驟蒙顯拔倚任  
深重賜賚優隆而乃背德植交蔑法罔上此皆自作  
罪孽以致隕厥身家朕厯稽往古宵人誤國代代有  
之觀諸近事復炯鑒昭然足爲永戒恐後之爲臣者  
或仍蹈覆轍負主恩而渝素志至於身罹刑憲悔悼  
無由故推原情狀而論列之錄成一編以爲人臣儆  
心之訓云

遂溪縣志

卷之一

典謨

二

御頒示賦役全書序

順治十四年

朕惟古帝王臨御天下必以國計民生爲首務故禹  
貢則壤定賦周官體國經野法至備也當明之初取  
民有制休養生息至萬厯年間海內殷富家給人足  
及乎天啟崇正之世因兵增餉加派繁興貪吏緣以  
爲奸民不堪命國祚隨之良足深鑿朕荷

上天付託之重爲生民主一夫不獲亦疚朕懷凡服御儲  
羞深自約損然而

祖宗百神軍旅燕饗犒錫之繁以及百官庶役餼廩之給罔不取之民間誠恐有司額外加派豪蠹侵漁中飽民生先困國計何資茲特命戶部右侍郎王宏祚將各直省每年額定徵收起存總數實數編撰成帙詳稽往牘參酌時宜凡在參差遺漏悉行駁正錢糧則例俱照萬厯年間其天啟崇正時加增盡行蠲免地丁則開原額若干除荒若干原額以萬厯刊書爲準除荒以覆奉御旨爲憑地丁清核次開實徵又次開起存起運者部寺倉口種種分晰存留者欵項細數事事條明至若九釐銀舊書未載者今已增入宗祿

遂溪縣志

卷之一

典謨

三

銀昔爲存留者今爲起運漕白二糧確依舊額運丁行月必令均平胖襖盔甲昔解本色今俱改折南糧本折昔留南用今抵軍需官員經費定有新規會議裁冗改歸正項本色絹布顏料銀朱銅錫茶蠟等項已改折者照督撫題價值開列解本色者照刊書價值造入每年督撫確察時值題明填入易知單內照數辦解更有昔未解而今宜增者有昔太冗而今宜裁者俱細加清核條貫井然後有續增地畝錢糧督撫按彙題造冊報部以憑稽核綱舉目張勒成一編名曰賦役全書頒布天下庶使小民遵茲令式便於

輸將官吏奉此章程罔敢苛斂爲一代之良法垂萬世之成規雖然此其大畧也若夫催科之中寓以撫字廣招徠之法杜欺隱之奸則守令之責也正已率屬承流宣化覈出納之數慎那移之防則布政司之責也舉廉懲貪興利除害課殿最於荒墾昭激揚於完欠恪遵成法以無負朕足國裕民之意則督撫之責有特重焉其敬承之母忽

聖祖

仁皇帝上諭十六條

康熙十八年

敦孝弟以重人倫篤宗族以昭雍睦和鄉黨以息爭訟重農桑以足衣食尙節儉以惜財用隆學校以端

遂溪縣志

卷之一

典謨

四

士習黜異端以崇正學講法律以儆愚頑明禮讓以厚風俗務本業以定民志訓子弟以禁非爲息誣告以全善良誠匿逃以免株連完錢糧以省催科聯保甲以弭盜賊解讐忿以重身命

御製訓飭士子文

康熙四十一年

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務令風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也

茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀寔無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化僇盈之氣文章歸於醇雅毋事浮華軌度式於規繩最防蕩軼子矜佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨勿齒縱倖脫褫朴濫

遂溪縣志

卷之一

典謨

五

竊章縫返之於衷寔無深媿乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取鬻凌騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌

不特爾身有榮卽爾祖父亦增光寵矣逢時得志寧  
俟他求哉若仍視爲具文玩愒勿傲毀方躍冶暴棄  
自甘則是爾等冥頑無知終不能率教也旣負栽培  
復干咎戾王章具在朕亦不能爲爾等寬矣自茲以  
往內而國學外而直省鄉校凡學臣師長皆有司鐸  
之責者並宜傳集諸生多方董勸以副朕懷否則職  
業勿修咎亦難逭勿謂朕言之不預也爾多士尙敬  
聽之哉

世宗憲皇帝初登大寶諭外任諸臣  
諭知府  
雍正元年

遂溪縣志

卷之一

典謨

六

國家親民之官莫先於守令蓋州縣官與民最親而  
知府又與州縣官最親凡州縣興利除弊之事皆於  
知府有專責焉是知府一官分寄督撫監司之耳目  
而爲州牧縣令之表率承流於上宣化於下所係綦  
重矣漢宣帝有曰太守吏民之本也又曰庶民所以  
安其田里而無歎息愁恨之心者政平訟理也與我  
共此者其惟良二千石乎故兩漢循良稱盛而賢守  
尤多龔黃召杜諸人大都皆廉潔和平正身率屬以  
以與民休養生息史稱其所居民富所去民思此皆  
彰明較著者也



皇考澄肅官方慎簡僚吏知府中有政績茂異聲名著聞者必加優眷數年之間卽膺殊擢所以鼓勵循良務令羣黎受福爾等蒙

皇考簡用之恩受國家民社之寄地方不甚遼遠則於民間之疾苦可以周知勢分不甚懸殊則於屬下之賢否可以洞悉爾果廉正自持屏絕賄賂則督撫監司必不致肆行需索而州牧縣令亦不敢恣意貪婪近聞州縣火耗任意加增罔知顧忌以小民之脂膏飽貪吏之谿壑由爾不能却遺金於暮夜又安能禁屬吏之濫征乎盤查倉庫必須覈實不可視爲故事乃

遂溪縣志

卷之一

典謨

七

或借盤查之名勒索餽遺是因盤查而虧空愈甚矣爾能時勤勸誡加以體恤則州縣可無虧空之虞能制節謹度淡泊是安則爾亦可免虧空之累勸農課桑以厚風俗禁強戢暴以安善良平情聽斷以清獄訟皆爾職守之所當盡者至於督撫舉劾州縣必由爾之詳揭務須秉公持正勿涉偏私若善於逢迎者從而庇護薦拔之而端方恬靜之人反故爲摧抑下吏皆苟且營利以求容悅地方之事尙可問乎居官者每有初入仕途清操自矢漸登華要頓改初心旣知砥礪廉隅卽當始終一節更有巧於仕宦者人每

謂其名實兼收朕最不解此語夫名者實之華果能  
潔己愛民奉公盡職此所謂實也治行稱首民歌輿  
頌此所謂名也實至而名隨之如本立而華茂焉若  
以弋取虛譽爲名而以封殖多藏爲實此則小人之  
尤更甚於貪黷彰聞之輩矣朕纘承大統夙夜兢兢  
惟恐有負

皇考付託之重深冀爾等各體此意精白乃心以古循良  
自勉若徇私納賄不能率屬愛民貽害地方蔑視憲  
典三尺具在朕不能爲爾等寬也特諭

諭知州知縣

遂溪縣志

卷之一

典謨

八

朕惟國家首重吏治爾州牧縣令乃親民之官吏治  
之始基也貢賦獄訟爾實司之品秩雖卑職任綦重  
州縣官賢則民先受其利州縣官不肖則民先受其  
害膺茲任者當體朝廷惠養元元之意以愛民爲先  
務周察鄙屋綏輯鄉里治行果有其實循卓自有其  
名非內聚賄而外干譽謂之名實兼收也全省吏治  
如作室然督撫其棟梁也司道其垣墉也州縣其基  
址也書曰民惟邦本本固邦寧夫所以固邦本者在  
吏治而吏治之本在州縣苟州縣之品行不端猶基  
不立則室不固庸有濟乎

皇考臨御六十一年灼知州縣之重特行引見咨詢明試  
至詳至慎其有廉能之員每不次超擢以示鼓勵今  
海內羣黎皆

皇考所懷保也朕膺

宗社重寄思纘

皇考之治功惟爾州縣諸臣具有父母斯民之責其爲朕  
立之基址以固邦本焉誠能潔己奉公實心盡職一  
州一縣之中興仁興讓教孝教忠物阜民安刑清訟  
簡朕將升之朝宁用作股肱如或罔念民瘼恣意貪  
婪或朘削肥家或濫刑逞虐或借刻以爲清或恃才

遂溪縣志

卷之一

典讚

九

而多事或諂媚上司以貪位或任縱胥吏以擾民或  
徇私逞欲以上虧國帑王章具在豈爾貸歟更有任  
州縣時私肥己橐而漫云且俟顯要方立名節者其  
與初市清名晚而改操之人何以異哉至於錢糧關  
係尤重絲毫夥粒皆百姓之脂膏增一分則民受一  
分之累減一分則民沾一分之澤前有請暫加火耗  
抵補虧空帑項者

皇考示諭在廷不允其請爾諸臣共聞之矣今州縣火耗  
任意加增視爲成例民何以堪乎嗣後斷宜禁止或  
被上司察核或被科道糾參必從重治罪決不寬貸

夫欲清虧空之源莫如節儉正直節儉則用無不足  
正直則上官不可干以私若賸小民之生以飽上官  
之貪欲冒不測之罪以快一時之奢侈豈砥礪廉隅  
爲民父母之道乎爾州縣等官其恪共乃職勿貽罪  
戾母謂地遠官卑朕不及察其賢否也特諭

諭開墾

雍正元年

諭朕臨御以來宵旰憂勤凡有益於民生者無不廣  
爲籌度因念國家承平日久生齒殷繁土地所出僅  
可贍給偶遇荒歉民食維艱將來戶口日滋何以爲  
業惟開墾一事於百姓最有裨益但向來開墾之弊

涿溪縣志

卷之一

典謨

十

自州縣以至督撫俱需索陋規致墾荒之費浮於買  
價百姓畏縮不前往往往膏腴荒棄豈不可惜嗣後各  
省凡有可墾之處聽民相度地宜自墾自報地方官  
不得勒索吏胥亦不得阻撓至墜科之例水田仍以  
六年起科旱田以十年起科著著爲定例其府州縣  
官能勸諭百姓開墾地畝多者准令議敘督撫大吏  
能督率各屬開墾地畝多者亦准議敘務使野無曠  
土家給人足以副朕富民阜俗之意特諭

御製

聖諭廣訓序

雍正二年

書曰每歲孟春道人以木鐸徇於路記曰司徒修六禮以節民性明七教以興民德此皆以敦本崇實之道爲牖民覺世之模法莫良焉意莫厚焉我

聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓革薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於耕桑作息之間本末精粗公私鉅細凡民情之所習皆

睿慮之所周視爾編氓誠如赤子

遂溪縣志

卷之一

典謨

十一

聖有謨訓明徵定保萬世守之莫能易也朕纘承大統臨御兆人以

聖祖之心爲心以

聖祖之政爲政夙夜黽勉率由舊章惟恐小民遵信奉行久而或怠用申誥誠以示提撕謹將

上諭十六條尋繹其義推衍其文共得萬言名曰

聖諭廣訓旁徵遠引往復周詳意取顯明語多直樸無非奉

先志以啟後人使羣黎百姓家喻而戶曉也願爾兵民等

仰體

聖祖正德厚生之至意勿視爲條教號令之虛文共勉爲  
謹身節用之庶人盡除夫浮薄囂凌之陋習則風俗  
淳厚家室和平在朝廷德化樂觀其成爾後嗣子孫  
並受其福積善之家必有餘慶其理豈或爽哉

諭勸農

雍正二年

諭朕惟撫養元元之道足用惟先朕自臨御以來無  
刻不塵念民依重農務本業已三令五申矣但我國  
家休養生息數十年來戶口日繁而土田止有此數  
非率天下農民竭力耕耘兼收倍獲欲家室盈寧必  
不可得周官所載巡稼之官不一而足又有保介田

遂溪縣志

卷之一

典謨

十三

畷日在田間皆爲課農設也今課農雖無專官然自  
督撫以下孰不兼此任也其各督率有司悉心相勸  
並不時咨訪疾苦有絲毫妨於農業者必爲除去仍  
於每鄉中擇一二老農之勤勞作苦者優其獎賞以  
示鼓勵如此則農民知勸而惰者可化爲勤矣再舍  
傍田畔以及荒山不可耕種之處度量土宜種植樹  
木桑柘可以飼蠶棗栗可以佐食柏桐可以資用卽  
榛楛雜木亦足以供炊爨其令有司督率指畫課令  
種植仍嚴禁非時之斧斤牛羊之踐踏奸徒之盜竊  
亦爲民利不小至孳養牲畜如北方之羊南北之豕

牧養如法乳字以時於生計不無裨益總之小民至愚經營衣食非不迫切而於目前自然之利反多忽畧所賴親民之官委曲周詳多方勸導庶使踴躍爭先人力無遺而地利始盡不惟民生可厚風俗亦可還淳爾督撫等官各體朕惓惓愛民之意實心奉行倘視爲具文苟且塗飾或反以擾民則尤其不可也

諭

教士子責成學臣教職

雍正四年

諭爲士者乃四民之首一方之望凡屬編氓皆遵之奉之以爲讀聖賢之書列膠庠之選其所言所行俱可爲鄉人法則也故必敦品勵學謹言慎行不愧端

遂溪縣志

卷之一

典謨

三

人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧恥之心相戒勿令某人知之如古人之往事則民風何患不淳世道何患不復古耶朕觀今日之士子雖不乏閉門勤修讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之士難以悉數彼爲民者見士子誦讀聖賢之書而行止尙且如此則必薄待讀書之人而並輕視聖賢之書矣士習之

不端民風何由而正其間關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣跡請行嚴懲者甚多朕思轉移化道之法當先端其本源教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不立無怪乎士習之不端而風俗之未淳也朕孜孜圖治

遂溪縣志

卷之一

典謨

十四

欲四海之大萬民之衆皆向風而慕義革薄而從忠故特簡督學之臣慎重學臣之職欲使自上而下端本澄源以收實效也凡爲學臣者務使持公秉正宣揚風化於教官之稱職者卽加薦拔溺職者卽行參革爲教官者訓誨士子悉秉誠心如父兄之督課子弟至於分別優劣則至公至當不涉偏私如此各盡其道則士子人人崇尚品詣砥礪廉隅且不但自淑其身而羣黎百姓日聞善言日觀善行以生其感發之念風俗之不變庶幾其可望也特諭

諭閩廣百姓各務本業

雍正五年



諭閩廣兩省督撫常稱本省產米甚少不足以敷民食總督高其倬亦曾具奏巡撫楊文乾則云廣東所產之米卽年歲豐收亦僅足供半年之食朕思本省之米不足供本省之食在歉歲則有之若云每歲如此卽豐收亦然恐無此理或田疇荒廢未盡地力或耕耘怠惰未用人功或奸民希圖重價私賣海洋三者均未可定昨曾面諭九卿令廣西巡撫韓良輔奏稱廣東地廣人稠專仰給於廣西之米在廣東本處之人惟知貪射重利將地土多種龍眼甘蔗烟葉青靛之屬以致民富而米少廣西地瘠人稀豈能以所

產供鄰省多令販運等語此奏與朕前旨相符可知閩廣民食之不足有由來矣令二省督撫等悉心勸導俾人人知食乃民天各務本業盡力南畝不得貪利而費農功之大不得逐末而忘稼穡之艱至於園圃果木之類當俟有餘地餘力而後爲之豈可圖目前一時之利益而不籌畫於養命之源以致緩急無所倚賴而待濟於鄰省哉假若鄰省或亦歉收則又將何如哉該督撫等務須諄切曉諭善爲化導俾愚民豁然醒悟踴躍趨事則地方不致虛耗而米穀不致匱乏矣特諭

諭舉貢生生員

雍正五年

諭從來爲政在乎得人書曰野無遺賢萬邦咸寧蓋賢才登進在位者多則分猷効職庶績自能就理而民生無不被其澤也朕卽位以來加意旁求凡所以延訪擢用之道盡朕心力如現任官員及候補候選科目諸人每特令薦舉遴選引見廣開錄用之途冀收羣策之力又念各省學校之設原以養育人才爰命學臣保舉賢能升聞於朝以備任使乃直省學臣所舉人數不多又多草率塞責不能副得人之實夫十室之邑必有忠信今直省府州縣學貢生生員多

遂溪縣志

卷之一

典謨

六

者數百人少亦不下百餘其中豈無行誼醇篤好修自愛明達之士乎着知州知縣官會同各該學教官將府州縣之貢生生員內居家孝友行止端方才可辦事而文亦可觀者秉公確查一學各舉一人於今年秋末冬初申報該上司奏聞請旨其或僻遠中學小學實無可舉者令知縣教官出具印結該督撫查實奏聞朕因廣攬人材舉此曠典所以黜浮華而資實用州縣教職等官爲一方師長選賢薦能乃其專責倘敢有輕忽之心虛應故事濫舉非人者定照溺職例革職若或徇情受賄則又加倍治罪八旗之滿

洲蒙古漢軍亦照此例將人品端方通曉漢文者著該佐領各舉一人如不得其人之佐領亦具印結令該都統彙齊奏聞請旨庶使潛修篤行之士得以表見而國家亦收得人之效矣特諭

諭禮義廉恥辨 雍正五年

諭近因考試新科進士以宋儒所云士人當有禮義廉恥句爲論題諸進士試卷進呈朕躬自披覽見其文藝之工拙優劣固有不同然大槩皆詞章記誦之常談見解卑淺識量狹隘未能真知題中之理蘊而實有發明蓋所言止於儀文末節而已非禮義廉恥

遂溪縣志

卷之一

典謨

七

之大者也朕則謂古人言禮義廉恥國之四維者蓋以天下之大四海之眾皆範圍其中而不可須臾離而士人貴有禮義廉恥之說所指甚遠所包甚宏上之爲人君下之爲人臣皆當求其大者以爲務而不可屬於儀文末節之間也以禮言之如化民成俗立教明倫使天下之人爲臣者皆知忠爲子者皆知孝此禮之大者也進退周旋俯仰揖讓此禮之小者也以義言之如開誠布公蕩平正直使天下之人無黨無偏和衷共濟此義之大者也然諾不欺出入必謹此義之小者也以廉言之理財制用崇儉務本使天

下之人家給人足路不拾遺盜賊不生爭訟不作貪官污吏無以自容此廉之大者也簞食豆羹一介不取此廉之小者也至於以恥言之爲人君者憲天出治誠和萬民則當以一夫不獲其所爲恥爲人臣者行義達道兼善天下則當以其君之不爲堯舜爲恥若夫迂拘曲謹如鄉黨自好之類不失言於人不失色於人此乃知恥之小者耳會何足以盡有恥之道乎欲爲君盡君道欲爲臣盡臣道而其道會不外禮義廉恥之四端士人者必當以天下爲己任其身卽爲臣之身而有致君之責者豈可徒知禮義廉恥之

小節而不知禮義廉恥之大者乎夫禮義廉恥由一端之小者擴而充之皆可以保四海然必知其大者而務之自可不遺於其小若或徒窺小節而不知其大則迂拘曲謹止圖檢束一身而不敢任天下之重此則細民之行而非士人之道也孔子曰人能宏道非道宏人其可不勉自奮立乎朕引見新科進士之時卽欲面加訓諭因天氣炎熱恐伊等暫時跪聽不能悉心領會今特詳爲宣示朕願與大小諸臣交相倣勉詳思禮義廉恥之大者身體力行則人心風俗蒸蒸日上而唐虞三代之治庶幾其可復見也特諭

諭凡官員有蒞民之責其語言必使人人共曉然後可以通達民情熟悉地方事宜而辦理無悞是以古者六書之制必使諧聲會意嫻習語音皆所以成遵道之風著同文之治也朕每引見大小臣工凡陳奏履歷之時惟有福建廣東兩省之人仍係鄉音不可通曉夫伊等以現登仕籍之人經赴禮部演禮之後其敷奏對揚尙有不可通曉之語則赴任他省又安能於宣讀訓諭審斷詞訟皆歷歷清楚使小民共知而共解乎官民上下語言不通必致胥吏從中代爲

傳達於是添飾假借百弊叢生而事理之貽悞者多矣且此兩省之人其語言既皆不可通曉不但伊等歷任他省不能深悉下民之情卽伊等身爲編氓亦必不能明白官府之意是上下之情捍格不通其爲不便實甚但語音自幼習成驟難改易必其徐加訓導庶幾歷久可通應令福建廣東兩省督撫轉飭所屬各府州縣有司及教官遍爲傳示多方教導務期語言明白使人通曉不得仍前習爲鄉音則伊等將來引見殿陛奏對可得詳明而出任地方民情亦易於通達矣特諭

欽定訓飭州縣規條諭

雍正八年

諭牧令爲親民之官一人之賢否關係萬姓之休戚故自古以來慎重其選而朕之廣攬旁求訓勉告誡冀其奏循良之績以惠我烝黎者亦備極苦心矣惟是地方事務皆發端於州縣頭緒紛繁情僞百出而膺斯任者類皆初登仕籍之人未練習於平時而欲措施於一旦無怪乎徬徨瞻顧心志茫然卽採訪咨詢而告之者未必其盡言無隱此古人所以有學製美錦之歎也向以大學士朱軾左都御史沈近思外任多年周知地方利弊雍正二年曾令二臣商著規

遂溪縣志

卷之一

典謨

三

則以爲州縣之南車乃書未就緒而沈近思物故邇年以來朱軾復時多病此事遂至遲延去年始降旨委諸總督田文鏡李衛今二臣各抒所見繕錄諸條以進朕親加披覽見其條理詳明言詞剴切民情吏習罔不兼該大綱細目莫不備舉誠新進之津梁庶官之模範也在二臣各就其所閱歷者而言繁簡同異之間不必一致而慎守官方勤恤民隱興利除害易俗移風其大旨則一而已矣爰就本文付之剞劂頒賜州縣官各一帙俾置之几案間朝夕觀覽省察提撕治效未臻必思所以勉之弊端牙革必思所以

去之本之以實心行之以實力毋始勤而終怠毋靜言而庸違如此則不但國家得司牧之賢草野有父母之頌而爾等身膺顯擢叨被榮光福貽子孫名標史冊豈不美歟特諭

諭富戶借貸銀米毋重生息

雍正八年

諭民間借貸一事所以通彼此之有無濟一時之緩急意本善也乃有貪利營私之徒徃徃乘人匱乏勒索重利如借貸米穀則不但加三起息竟有加五或多至加倍者小民偶爾窘迫止顧目前及禾稼登場終歲辛苦之所獲不能復爲己有雖豐潤之歲僅足

遂溪縣志

卷之一

典謨

三

供償債之需一遇歉收之年則束手無策必致息上起息累年不能楚結且貽累於子孫而挾貲射利乘急多取者視爲固然全無矜憐憫惜之意貪饕爲性澆薄成風此亦世道人心之患也夫緩急亦人所有周禮三物六行孝友睦婣而繼以任恤蓋儕類里黨有急則相倚任有困則相賑恤此鄉鄰風俗之美王化所先而其人以仁厚居心亦所以長享福澤於勿替此卽仰邀

天地神明賜祐休徵之根本也從來窮通貧富境遇不常幸而富貴有餘是

天之待我獨厚則當思濟人利物恤災扶困以廣行善事

仰答

天恩若以

天之厚我者持以剝削貧人之具不但

上天監臨必加譴責卽返之於心亦忍爲之乎凡屬貪鄙之人利令智昏以爲如此可以致富獨不思貧富有  
一定之數善惡有不爽之報假令爲富不仁者皆得  
擁厚貲以長子孫則樂善好施者必致匱乏終身矣  
自古迄今有此天理乎嘗見不義之財得之若易乃  
享受未久或耗於意外之災患或敗於不肖之後人

遂溪縣志

卷之一

典謨

三

是知刻薄之行損人適以自損仁厚之風利人還以  
自利也此種盤算薄惡之俗若不曉諭化導遽以官  
法繩之恐轉阻其借貸之路非所以爲便於窮民故  
特將天道好還循環往復之道委曲詳明覺悟貪夫  
薄夫而啟其良心杜其敝俗凡有借貸銀錢米穀者  
加二加三起息尙屬情理可行若太多則誠爲富不  
仁矣著地方有司將天理人心時時訓諭所屬之人  
以化其殘忍刻薄之習倘勸導旣久如下愚頑惡之  
性不移尙有爲富不仁重利盤放者則訪確一二人  
加以懲治以儆其餘如此庶惡習可以轉移貪風可



以止息也如有無藉棍徒因朕此勸導之訓諭或借端圖賴或生事強借以擾害良善溫飽之家者尤當加以重懲不可寬貸但全賴地方有司奉行勸導之公當勤誠也特諭

高宗純皇帝

乾隆十年

御製正文體

國家設制科取士首重者在四書文蓋以六經精微盡於四子書設非讀書窮理篤志潛心而欲握管揮毫發先聖之義蘊不大相逕庭耶我

皇考有清真雅正之訓朕題貢院詩云言孔孟言大是難

遂溪縣志

卷之一

典謨

三

乃古今之通論非一人之臆說也近今士子或故爲艱深語或矜爲俳儷辭爭長角勝風檐鎖院中偶有得售彼此仿倣爲奪幟爭標良技不知文風日下文品益卑有關國家掄才鉅典非細故也夫古人論文以渾金璞玉不雕不琢爲比未有穿鑿支離可以傳世行遠者至於詩賦揆藻敷華雖不免組織渲染然亦必有真氣貫乎其中乃爲佳作今於四書文採掇辭華以示淹博不啻於孔孟立言本意相去萬里矣先正具在罔識遵從習俗難化職此之由嗣自今其令各省督學諸臣時時訓飭鄉會考官加意區擇凡

有乖於先輩大家理法者擯棄勿錄則詭遇之習可  
息士風還淳朕有厚望焉特諭

遂溪縣志

卷之一

典謨

一

